

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება №01-02/151

ქ. ბათუმი

14 აგვისტო, 2023 წ.

„უცხოეთში გასამართ სამეცნიერო ღონისძიებებში მონაწილეობისათვის ბსუ-ს ბიუჯეტიდან დაფინანსების მიმღები (2023 წლის მეოთხე ეტაპზე) ბსუ-ს აკადემიური და სამეცნიერო პერსონალის გამოვლენისათვის კონკურსის გამოცხადების შესახებ“ ბსუ-ს რექტორის 2023 წლის 4 აგვისტოს №01-02/147 ბრძანებაში ცვლილების შეტანის თაობაზე

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, ბსუ-ს წარმომადგენლობითი საბჭოს 2022 წლის 20 აპრილის №07-01/21 გადაწყვეტილებით დამტკიცებული „ბსუ-ს პერსონალის პროფესიული განვითარების დაფინანსებისა და სტატიის გამოქვეყნებისათვის წახალისების წესის“, „ბსუ-ს 2023 წლის ბიუჯეტის დამტკიცების თაობაზე“ წარმომადგენლობითი საბჭოს 2022 წლის 23 დეკემბრის №07-01/57 გადაწყვეტილების, ეკონომიკისა და ბიზნესის ფაკულტეტის დეკანის 2023 წლის 02 აგვისტოს №957900 სამსახურებრივი ბარათის, საბუნებისმეტყველო მეცნიერებათა და ჯანდაცვის ფაკულტეტის დეკანის 2023 წლის 02 აგვისტოს № 957854 სამსახურებრივი ბარათის, ტურიზმის ფაკულტეტის დეკანის 2023 წლის 03 აგვისტოს № 961258 სამსახურებრივი ბარათის, იურიდიული და სოციალური მეცნიერებების ფაკულტეტის დეკანის 2023 წლის 02 აგვისტოს №957521 სამსახურებრივი ბარათის, ტექნოლოგიური ფაკულტეტის დეკანის 2023 წლის 02 აგვისტოს № 957550 სამსახურებრივი ბარათის, რექტორის მოადგილის ანზორ ბერიძის 2023 წლის 03 აგვისტოს № 960614 სამსახურებრივი ბარათის საფუძველზე

ვ ბ რ ძ ა ნ ე ბ :

1. შევიდეს ცვლილება „უცხოეთში გასამართ სამეცნიერო ღონისძიებებში მონაწილეობისათვის ბსუ-ს ბიუჯეტიდან დაფინანსების მიმღები (2023 წლის მეოთხე ეტაპზე) ბსუ-ს აკადემიური და სამეცნიერო პერსონალის გამოვლენისათვის კონკურსის გამოცხადების შესახებ“ ბსუ-ს რექტორის 2023 წლის 4 აგვისტოს №01-02/147 ბრძანებაში, კერძოდ:

ა) ბრძანების პირველი და მეორე პუნქტი ჩამოყალიბდეს შემდეგი რედაქციით:

„1. გამოცხადდეს კონკურსი 2023 წლის 25 აგვისტოს შემდეგ 2023 წლის 30 დეკემბრის ჩათვლით (2023 წლის მეოთხე ეტაპზე) უცხოეთში გასამართ სამეცნიერო ღონისძიებებში (კონფერენციები, სემინარები, კონგრესი, ფორუმები) მონაწილეობისათვის ბსუ-ს ბიუჯეტიდან დაფინანსების მიმღები ბსუ-ს აკადემიური და სამეცნიერო პერსონალის გამოვლენისათვის.

2. განისაზღვროს კონკურსის ჩატარებისა და გადაწყვეტილების მიღების შემდეგი ვადები:

ა) დოკუმენტაციის მიღება - 2023 წლის 21 აგვისტოდან - 22 აგვისტოს ჩათვლით;

ბ) კონკურსის ჩატარება - 2023 წლის 23 აგვისტო;

გ) საკონკურსო კომისიის გადაწყვეტილების მიღება და ბსუ-ს რექტორის ბრძანების გამოცემა - 2023 წლის 24 აგვისტოს ჩათვლით;

დ) გამარჯვებული კონკურსანტის მიერ უცხოეთში 2023 წლის 25 აგვისტოდან 10 დღის ვადაში გასამართ ღონისძიებაზე მივლინებისათვის შესაბამისი სამსახურებრივი ბარათისა და განახლებული დოკუმენტაციის წარმოდგენა - 2023 წლის 25 აგვისტო.“.

ბ) ბრძანების N2 დანართი შეიცვალოს და ჩამოყალიბდეს თანდართული რედაქციით;

3. სამეცნიერო კვლევების სამსახურმა უზრუნველყოს წინამდებარე ბრძანებაში აღნიშნული ცვლილებების გათვალისწინებით კონკურსის შესახებ განცხადების ტექსტის რედაქტირება და ბსუ-ს ვებგვერდზე განთავსებისათვის ბსუ-ს საინფორმაციო ტექნოლოგიების სამსახურისათვის წარდგენა (ელ. ფოსტის მეშვეობით - Web@bsu.edu.ge).
4. ბრძანების აღსრულებაზე კონტროლი განახორციელოს რექტორის მოადგილემ (ა. ბერიძე).
5. ბრძანება გამოქვეყნდეს ბსუ-ს ვებგვერდზე (ველში „იურიდიული ცნობარი“ („რექტორის აქტები“) და ველში „კონკურსები“ - კონკურსის გამოცხადების შესახებ განცხადებასთან ერთად (თანდართული სამართლებრივი აქტებით).
6. ბრძანება დაეგზავნოს მართვის ორგანოებს, რექტორის მოადგილეებს, ფაკულტეტებს, დამოუკიდებელ სამეცნიერო-კვლევით ინსტიტუტებს, სამეცნიერო კვლევების სამსახურს, სასწავლო პროცესის დეპარტამენტს, იურიდიულ დეპარტამენტს, საფინანსო-ეკონომიკურ დეპარტამენტს, საქმისწარმოების სამსახურს (კანცელარია), საზოგადოებასთან ურთიერთობის სამსახურს და საინფორმაციო ტექნოლოგიების სამსახურს.
7. ბრძანება ძალაშია ხელმოწერისთანავე.
8. ბრძანება შეიძლება გასაჩივრდეს მოქმედი კანონმდებლობით დადგენილი წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30) მისი გამოცემის დღიდან ერთი თვის ვადაში.

რექტორი, პროფესორი

 მერაბ ხალვაში

„უცხოეთში გასამართ სამეცნიერო ღონისძიებებში მონაწილეობისათვის ბსუ-ს ბიუჯეტიდან დაფინანსების მიმღები (2023 წლის მეოთხე ეტაპზე) ბსუ-ს აკადემიური და სამეცნიერო პერსონალის გამოვლენისათვის კონკურსის გამოცხადების შესახებ” ბსუ-ს რექტორის 2023 წლის 4 აგვისტოს №01-02/147 ბრძანებაში ცვლილების შეტანის თაობაზე

ბსუ-ს რექტორის 2023 წლის 14 აგვისტო №01-02/151 ბრძანების

დანართი

ბსუ-ს რექტორის 2023 წლის 4 აგვისტოს №01-02/147 ბრძანების №2 დანართი
(რედაქტირებული 14.08.23 წ.)

კონკურსი უცხოეთში გასამართ სამეცნიერო ღონისძიებებში (კონფერენციები, სემინარები, კონგრესი, ფორუმები) მონაწილეობისათვის ბსუ-ს ბიუჯეტიდან დაფინანსების მისაღებად
(2023 წლის მეოთხე ეტაპისათვის)

1. გამოცხადდეს კონკურსი 2023 წლის 25 აგვისტოს შემდეგ 2023 წლის 30 დეკემბრის ჩათვლით (2023 წლის მეოთხე ეტაპზე) უცხოეთში გასამართ სამეცნიერო ღონისძიებებში (კონფერენციები, სემინარები, კონგრესი, ფორუმები) მონაწილეობისათვის ბსუ-ს ბიუჯეტიდან დაფინანსების მიმღები ბსუ-ს აკადემიური და სამეცნიერო პერსონალის გამოვლენისათვის.
 - ა) დოკუმენტაციის მიღება - 2023 წლის 21 აგვისტო- 22 აგვისტოს ჩათვლით;
 - ბ) კონკურსის ჩატარების ორგანიზება - 2023 წლის 23 აგვისტო;
 - გ) საკონკურსო კომისიის გადაწყვეტილების მიღება და ბსუ-ს რექტორის ბრძანების გამოცემა - 2023 წლის 24 აგვისტოს ჩათვლით;
 - დ) გამარჯვებული კონკურსანტის მიერ უცხოეთში 2023 წლის 25 აგვისტოდან 10 დღის ვადაში გასამართ ღონისძიებაზე მივლინებისათვის შესაბამისი სამსახურებრივი ბარათისა და განახლებული დოკუმენტაციის წარმოდგენა - 2023 წლის 25 აგვისტო.
2. ბსუ-ს ფაკულტეტებისა და დამოუკიდებელი სამეცნიერო-კვლევითი ინსტიტუტებისათვის ბსუ-ს 2023 წლის ბიუჯეტით გათვალისწინებული დაფინანსების ფარგლებში, წინამდებარე ბრძანებით გამოცხადებული კონკურსის მიზნებისათვის განისაზღვრა თითოეული ფაკულტეტის/ინსტიტუტის დაფინანსების მოცულობა (ასევე ახალგაზრდა მეცნიერებისათვის - პირები, რომელთაც კონკურსის გამოცხადებამდე 7 წლის განმავლობაში მოიპოვეს დოქტორის აკადემიური ხარისხი და ასაკი არ აღემატება 35 წელს) შემდეგნაირად:

2.1. ბსუ-ს ფაკულტეტებისათვის:

- ა) იურიდიული და სოციალურ მეცნიერებათა ფაკულტეტის აკადემიური პერსონალისათვის - 4 000 ლარი;
- ბ) საბუნებისმეტყველო მეცნიერებათა და ჯანდაცვის ფაკულტეტის აკადემიური პერსონალისათვის - 11 000 ლარი (მათ შორის ახალგაზრდა მეცნიერის შემთხვევაში - 2000 ლარი, თუკი ახალგაზრდა მეცნიერი მიიღებს მონაწილეობას კონკურსში და გამოვლინდება გამარჯვებული);

გ) ტექნოლოგიური ფაკულტეტის აკადემიური პერსონალისათვის - 4134 ლარი;
დ) ტურიზმის ფაკულტეტის აკადემიური პერსონალისათვის - 8 000 ლარი (მათ შორის ახალგაზრდა მეცნიერის შემთხვევაში - 3 000 ლარი, თუკი ახალგაზრდა მეცნიერი მიიღებს მონაწილეობას კონკურსში და გამოვლინდება გამარჯვებული);

ე) ეკონომიკისა და ბიზნესი ფაკულტეტის აკადემიური პერსონალისათვის - **3050** ლარი;

2.2. ბსუ-ს დამოუკიდებელი სამეცნიერო-კვლევითი ერთეულებისათვის:

ა) ბსუ-ს აგრარული და მემბრანული ტექნოლოგიების ინსტიტუტის სამეცნიერო პერსონალისათვის - 5 000 ლარი;

ბ) ნიკო ბერძენიშვილის ინსტიტუტის სამეცნიერო პერსონალისათვის - 1 500 ლარი (მათ შორის ახალგაზრდა მეცნიერის შემთხვევაში - 1000 ლარი, თუკი ახალგაზრდა მეცნიერი მიიღებს მონაწილეობას კონკურსში და გამოვლინდება გამარჯვებული);

3. 5. კონკურსში მონაწილეობის მიზნით ბსუ-ს აკადემიური/სამეცნიერო თანამდებობის პირმა (შემდეგში - კონკურსანტმა) ელექტრონულად (საქმისწარმოების ელექტრონული სისტემის მეშვეობით უნდა წარმოადგინოს დაფინანსების განაცხადი (შევსებული წინამდებარე ბრძანების №1 დანართის შესაბამისად) და შემდეგი დოკუმენტაცია:

ა) ინფორმაცია ღონისძიების შესახებ (თემატიკა ან/და სავარაუდო სამუშაო გეგმა; ჩატარების ადგილი, თარიღი და ფორმატი; ორგანიზატორი დაწესებულება ან/და სხვ.);

ბ) ოფიციალური მოწვევის (მასპინძელი ორგანიზაციის/დაწესებულების თანხმობა) ორიგინალი და ქართულ ენაზე ნათარგმნი;

გ) მოხსენების მოკლე ტექსტი ქართულ ან/და მოხსენების ტექსტი/პრეზენტაცია კონფერენციის ერთ-ერთ სამუშაო ენაზე; მოხსენების შესაბამისი, გამოქვეყნებული ან/და გამოსაქვეყნებლად მომზადებული სამეცნიერო ნაშრომი/სტატია;

დ) შესაბამისი ფაკულტეტის დარგობრივი დეპარტამენტის/ინსტიტუტის განყოფილების სხდომის გადაწყვეტილება (ოქმის ამონაწერი), ღონისძიებაში დასაქმებულის მონაწილეობის მიზანშეწონილობის შესახებ;

ე) სხვა დოკუმენტაცია, რასაც ითვალისწინებს შესაბამისი სამეცნიერო ღონისძიება და საჭიროა დაფინანსების შესახებ გადაწყვეტილების მისაღებად.

4. აკადემიური/სამეცნიერო პერსონალის მიერ სამეცნიერო ღონისძიებაში მონაწილეობის დაფინანსების გადაწყვეტილების მიღებისას საკონკურსო კომისიამ უნდა გაითვალისწინოს:

ა) განსახორციელებელი ღონისძიებისა და ორგანიზატორი დაწესებულების რეიტინგი;

ბ) კონკურსანტის მოხსენების შესაბამისობა ბსუ-ს კვლევის პოლიტიკის მიხედვით დამტკიცებულ ძირითადი სამეცნიერო-კვლევით მიმართულებების სამეცნიერო საქმიანობის გეგმასთან/ინსტიტუტის სამეცნიერო-კვლევის მუშაობის გეგმასთან და ბოლო ხუთი წლის განმავლობაში კონკურსანტის სამეცნიერო-კვლევითი

პროდუქტიულობა (Web of Science, Scopus, ERIH PLUS (ჰუმანიტარული და სოციალური მიმართულებებით) ბაზებში ინდექსირებულ ჟურნალებში ან/და ქართველოლოგიური მიმართულებით გამოქვეყნებული/გამოსაქვეყნებლად მიღებული სტატიები და მათ ციტირება);

გ) ქვეყნის გარეთ (უცხოეთში) გასამართ სამეცნიერო ღონისძიებაში (მივლინების) მონაწილეობის დაფინანსებისათვის დასაქმებულისათვის 1 კალენდარული წლის განმავლობაში გაცემული თანხა არ უნდა აღემატებოდეს 2000 ლარს.

5. საკონკურსო კომისიამ განიხილავს საკონკურსო დოკუმენტებს, კონკურსანტებთან გასაუბრების გზით დაადგენს გადაწყვეტილების მისაღებად საჭირო გარემოებებს და კონკურსანტთა მიმართ თანაბარი მოპყრობის პრინციპის დაცვით უნდა მიიღოს შესაბამისი კონკურსანტის დაფინანსების მიზანშეწონილობის შესახებ ობიექტური და მიუკერძოებელი გადაწყვეტილება (ღია კენჭისყრით, ხმათა უმრავლესობით ან/და კომისიის მიერ შემუშავებული კრიტერიუმის შესაბამისად განსაზღვრული სარეიტინგო ქულების დაანგარიშებით).
6. ბსუ-ს დაფინანსებით განხორციელებული აქტივობის შემდეგ აკადემიური და სამეცნიერო პერსონალის წარმომადგენლების ანგარიშები უნდა განიხილოს შესაბამისად, ფაკულტეტის საბჭომ და სამეცნიერო საბჭომ და მიღებული შედეგის შესახებ ფაკულტეტის დეკანმა/ინსტიტუტის დირექტორმა სამსახურებრივი ბარათი უნდა წარუდგინოს რექტორს (ბარათი დამუშავებისათვის ეგზავნება ხარისხის უზრუნველყოფის სამსახურს, სამეცნიერო კვლევების სამსახურს და საქმისწარმოების სამსახურს).
7. თუკი გამოვლინდება დაფინანსებული პირის მიერ შესაბამისი აქტივობის განუხორციელებლობა/ღონისძიებაში მონაწილეობის მიუღებლობა/გაცემული დაფინანსების თანხის არამიზნობრივად გამოყენება, დაფინანსების მიმღები პირი ვალდებულია დამსაქმებლის მიერ განსაზღვრულ ვადაში დააბრუნოს მიღებული თანხა ბსუ-ს ანგარიშზე.